

হাবিপ্রবিতে বিদেশি শিক্ষার্থীর অধ্যয়ন প্রশংসনীয় — পররাষ্ট্রমন্ত্রী

■ দিনাজপুর প্রতিনিধি
পররাষ্ট্রমন্ত্রী আবুল হাসান মাহমুদ আলী এমপি বলেন, হাজী মোহাম্মদ দানেশ বিজ্ঞান ও প্রযুক্তি বিশ্ববিদ্যালয় (হাবিপ্রবি) এখন একটি সুসংগঠিত শিক্ষা প্রতিষ্ঠান। বিশ্ববিদ্যালয়টি খুব অল্প সময়ে দেশের অন্যতম শ্রেষ্ঠ উচ্চ শিক্ষা প্রতিষ্ঠানে পরিণত হয়েছে। শিক্ষাদান পদ্ধতি, গবেষণা, সিলেবাস এবং ক্যাম্পাসের মনোরম পরিবেশের কারণে শুধু দেশের শিক্ষার্থীরা নয়, বিদেশি শিক্ষার্থীরাও এ বিশ্ববিদ্যালয়ে শিক্ষা গ্রহণের জন্য আগ্রহী হয়ে উঠছেন। ভারত, নেপাল, জিবুতি, নাইজেরিয়া, সোমালিয়া ও ভুটানের ১৪৫ শিক্ষার্থী এখানে পড়াশোনা করছেন, যা প্রশংসার দাবিদায়ক।

পররাষ্ট্রমন্ত্রী গতকাল বুধবার হাবিপ্রবিতে ইন্টারন্যাশনাল কালচারাল ফেস্টিভালের উদ্বোধনকালে এসব কথা বলেন। হাবিপ্রবির উপাচার্য প্রফেসর মো. রুহুল আমিনের সভাপতিত্বে বিশেষ অতিথি ছিলেন নেপাল দূতাবাসের চার্জ দ্য অ্যাফেয়ার্স দিল্লি প্রসাদ আচারিয়া। স্বাগত বক্তব্য রাখেন রেজিস্ট্রার প্রফেসর ড. মো. সাইফুর রহমান।

অনুষ্ঠানে বক্তব্য রাখেন ইন্টারন্যাশনাল অ্যাফেয়ার্স সেকশনের ইনচার্জ প্রফেসর ড. বিকাশ চন্দ্র সরকার, ছাত্রলীগ নেতা মো. আসাদুজ্জামান জেমী, নাহিদ আহমেদ নয়ন, নেপালের শিক্ষার্থী হেম কুমার সাহা, নাইজেরিয়ার মোস্তাফা ওসমান বাবা, সোমালিয়ার ইউনুস আলী, ভুটানের লিমু সেহরার প্রমুখ।